

کلمات لها معنى

عامر شحاته

## فينك

\*\*\*

فينك يا حبيبي فينك  
انت بعيد ولا ولا قريب ولا  
داحنا م الاشواق دايبين  
قولي انت فين يا قمر  
قلبي بعدك سهر  
روحي بتناديك يا حبيبي  
وانت مش هنا  
تاني امتي ترجع تاني  
ياللي فيك حجات وحشاني  
قلبي م العذاب يا حبيبي  
اه يا حبيبي ياناسيني انا

قولي وخذك مني ايه  
اه اللي شاغلک عني ايه  
انت ناسيني ولا هتجيني  
انت قلبك ايه  
فينك يا حبيبي فينك  
انت بعيد ولا ولا قريب ولا  
داحنا م الاشواق دايين

\*\*\*\*\*

## لا اظن

\*\*\*\*\*

عرفت انت مين وانا مين  
ورجعت بعد شوق وحنين      ورجعنا نتقابل  
من قلبي خد قابل      انا عارف  
ان بعدي مستحيل تقدر عليه  
وان انت جاي ثاني حتي بعد ايه  
معقولة قلبك أنت ينسي قلب هواه  
لا..لا..لا لا اظن انا  
اتعلم بقي ومتتعبنيش  
سلم وكفاية  
حبيبي لو ناوي ع الحيرة والعند

هتتعب ويايا  
لو كنت نسيت انا مين  
قلبك وعنيك فاكرين  
انا اللي بيعني مرة عمري

ما ابكي في يوم عليّة  
انا اللي يشتريني ابيع حياتي واشتريه  
لكن يومين حبيبي ويوم هتلعب بالهوي  
لا..لا..لاياحبيبي

لو جاي مشتاق وتعبت فراق  
لو جاي حبيب وقريب  
وعايزنا نشيلك في عيننا

اتغير من جواك

واتصالح وياهوأك

عينية قلبي روحي عمري كلة ليك

حياتي واللي باقي من حياتي بين إيديك

لكن لو جاي عشان فاكربي دواك

لا..لا..لاأظن انا

\*\*\*\*\*

## خسارة

\*\*\*\*\*

خسارة فيك قلبي  
خسارة فيك حبي  
وخارة ابكي عليك  
خسارة ضاع عمري  
في الحب يا عمري  
يا حبي فيك  
ابعد بعيد وانساني  
متقولش نرجع ثاني  
قلبك ظالم اناني


ما عرفش يحبني  
خسارة فيك قلبي

اديتك كل حاجة  
وانت حرمتني  
طيبت كل جراحك  
وانت جرحتنني  
ظلمت قلبي وروحي وعيني  
وجيت عليه يا عيني يا ناسيني  
مغرور بالحب قلبك  
ولا خايف من الزمن  
يهون عليه حبيبة



ويبيع من غير تمن  
ضيعت قلبي وقلبك يا ويالك  
حيرني طبعك يا بايع حبيبك  
ابعد بعيد وانساني  
متقولش نرجع تاني  
قلبك ظالم اناني

\*\*\*\*\*



القلب الطيب قلب حنين  
قلب قريب قلب كبير  
زي البحر لما بيوفي  
ولما بيدي بيدي كثير  
ولا عمرة بينقص ولا عمرة بيخلص  
دايمن مليون مليون بالخير  
ولا عمره بيقسي ولا يعرف ينسي

دایما بیسامح من غیر تفکیر  
ده القلب الطیب بیسلم امره  
علشان احبابة بیضحی بعمره  
لو قلبك یهواه سیب قلبك معاه

لا یمكن یجرحه  
بیحس بغيره ویخاف علی طیره بیحب بروحه  
وبكل ضمیره  
قلب حبیب الكل ابیض زی الفل  
واياك تجرحه  
القلب الطیب عمره ما یتغیر  
ومشاعره بریئة ولا طفل صغیر

كل ما تجرح فيه وقلبك يقسي عليه

بيصون الهوي

يرجعلك تاني يأمنلك تاني

وفي عز عذابه بيسامحك تاني

اول ما تناديه على طول بتلاقيه

جايلك هوا

ده القلب الطيب

\*\*\*\*\*

## انت وبس

\*\*\*\*\*

انت وبس ولا حد غيرك

اللي شاغل قلبي وبس

ولا حد غيرك

دأنت عندي يا عمري غالي

حبيبي تعالى ما نبعد تاني

حبيبي تعالى ما نقرب تاني

ولا خوف ولا لوم

لا عذاب ولا ويل ولا حد فينا يبعد تاني

انت اللي ملكت روحي

ياروح الروح يا فرح زماني

انت اللي عشقت عينه

وملت اليه وقلبه نداني

ولا خوف ولا لوم ولا ملامة

لا عذاب ولا ويل ولا حد يبعد ثاني

اكذب .. تكذب هيبان في عينيك


في لمس ايديك في كل كلامك

أحلف .. باحلف والله شاريك

وشايل ليك في قلبي مكانك

لا عذاب ولا ويل ولا حد فينا يبعد ثاني

\*\*\*\*\*




صعبان عليه منك  
من كتر ما شفت منك  
حيرة حيرتني .. غيره عذبتني وتعبتني  
منك لله .. منك لله صعبان عليه منك  
بتجرح قلبو بسامحك  
وبتعاندي وبا صلحك  
أعملك تا في ايها  
حبيبي وعندي غالي

ياما اديتك ليالى  
بتبعد عنى لية  
كنت بصدق كلامك

عيش راضى بغرامك  
ومسلم قلبى ليك  
حبيبى وانت انت  
هتفضل زى ما انت  
وها ضيع انا من ايديك  
حيرة حيرتني غيرة عذبتني وتعبتني  
منك لله صعبان عليه منك

\*\*\*\*\*





تاني تاني تاني تاني ليه قولي راجع تاني ليه  
ازاي تبقي ظالمني ونسيني وهاجرني  
مين فينا الحق عليه قول راجع تاني ليه يا ما قبي  
لقلبك ندا من حيرته في لياليه  
واتمني نظرة رضا وانت ثقلت عليه

ليل الهوي نار نار

وضاع في الهوي قلبي

كان قلبي لقلبك فدا ما ظلمتكش في يوم ليه

ترضي لقلبي كده يبغي معاك مظلومليل الهوي

نار نار

وضاع في الهوي قلبي

تاني تاني تاني ليه قولي راجع تاني ليه

ازاي تبقي ظالمني ونسيني وهاجرني

مين فينا الحق عليه قول راجع تاني ليه

## لو

\*\*\*\*\*

كان واحد مننا ليه ماضي ليه ذكرى

قلبك

قلبك قسى ولا نسي اكيد اكيد عينك فاكهه

هابعد واسيبك للزمن وللدنيا ولبكورة

هتلاقى حبيب وفالك حق لك كل امالك

يا مه شال البسمه من فوق شفايفه عشان

يديها لك

كان هو الدفا والبرد كان حضنه جناين وورد

كان حاب فرحك وقت جرحك كان يبكي بدالك

ولو عاوز تفتكرني غمض عينك دقيقة  
وانت تلاقي الحقيقة .. لو  
رجع شريط حياتك قلب في ذكرياتك

ولو عاوز تفتكرني غمض عينك دقيقة  
وانت تلاقي الحقيقة...لو  
لو انت حبيبي بجد كنت عاتبني تعالي  
حاسبني  
قبل ما تبعد ولا تسيبني  
لو انت حبيبي بجد ما تسبنيش ما تتعبنيش  
ما تخليش الدنيا انت وهى عليه  
تبقى معاه في عذابه وناره وامله وجرحه

وزي ما كان بيسامحك كنت تسامحه  
هو عشان حبيتك واتمنيت وهويتك  
ادفع تمن الحب عذابي وسهر الياالي  
ولا عشان مش ناسي اعز حبيبي وناسي يجرح  
فيه يقسي عليه ما يحسش لحالي  
انا مش الومك ع اللي عملته معايا  
انا وعينه وقلبي هنرضي باي نهايه  
هامشي واسيبك للايام وحسابها كفاية  
ولو عاوز تفتكرني غمض عينك دقيقه  
وانت تلاقي الحقيقه... لو

\*\*\*\*\*

## انا لو حبيبك

\*\*\*\*\*

انا لو حبيبك

ما كنتش يوم تسييني

ازاي بتقول نصيبك

وهان عليك تبعني

بتقولي الحنين

طب فين الحنين

بعد غيابك سنين

بعد ما قلبك ظلمني

تجرح قلبي انا

تقسي عليه انا ؟  
رب ليه شوف في عنيه  
هتعرف مين انا  
شوف من كام سنه  
ضعت انت وانا  
واللي هي فضل بس ما بينا  
ذكري لجرحنا  
انا لو حبيبك  
ما كنتش يوم تسيبني  
ازاي بتقول نصيبك  
وهان عليك تبعني

\*\*\*\*\*

## الله عليك

الله عليك من بين عنيك  
شايف خطاوي مخضره الله عليك  
الله عليك من بين ايديك  
فتحت قلبي علي الوجود  
يطرح غنايا حب وورود  
رغم الاسي رغم الدموع  
طالب من الليل الوفي لحظة شرود  
الله عليك  
اشتاق اليك واجري عليك



اسكن في حضنك ضمنى محتاج اليك  
الله عليك بلقي في عنيك  
خطوة في حياتي هتبتدي  
خليك معايا محتاج اليك  
رغم الاسي رغم الدموع  
طالب من الليل الوفي لحظة شرود



الدم ده دمي

واللون من طيني

والحضن ده لأمي

والنيل دموع عيني

يا نخلتي حني

بالضله غطيني


قلبي خدوه مني

يا عزيز عيني

طير يا حمام نوحني

وخط من تاني  
لو يفتدي بروحه  
ده عزيز عيني  
الدم ده دمي  
واللون ده من طيني  
والحزن ده لامي  
والنيل دموع عيني

\*\*\*\*\*



بحلم ويحلالي  
بحلم وانا مالي  
باللي هيحصل ايه  
راضي انا بحالي  
راضي وبعيش حالي  
من غير ما افكر فيه  
واللي قدرت عليه

يكفي ويحلالي  
بحلم وحلمي بسيط  
مش كتر مال ولا سيط  
بحلم اكون نفسي  
يسمع غنايا الطير  
يغني غنوة خير  
للدنيا ولنفسي  
بحلم وحلمي عنيد  
لكن نصيبي اكيد  
لازم هيوصلني  
ما دمت انا وياه  
وفي قلبي نبض حياة

اكيد يوصلني  
واللي قدرت عليه  
يكفي ويحلالي

\*\*\*\*\*

## كامنا

\*\*\*\*\*

كاش كادر في الالولو كامنا

حب ناديه وحب لولو كامنا

ولا يا بتاع الفل يا ابو قلب زي الفل

لو النهارده لفت بكره هتبقى فل

ولا اقول لك.....

انا عايز القى نفسي واد حبيب وبيه

ومعايا فلوس كثير ثلاثين تلاف جنيه

اشرب ازوزه في العجوزة مع استكوزا ايه واجيب

لي دش مع الموبيل والحته الكويه

يا دنيا نفسه يلقي نفسه واد حبيب وبيه

ومعاه فلوس كثير ستين تلاف جنيه  
يشرب ازوزه في العجوزه ايه...  
واجيب لي دش مع الموبيل والحته

الكوبيه

يا دنيا ليه معاندة معانا  
عمرك ما جيتي علي هوانا  
ولما جيتي تصالحينا  
عملت قال مش سمعانه  
ولا اقولك .....

كاتش كادر في الالولو كامنا  
حب ناديه وحب لولو كامنا

\*\*\*\*\*





## حيران

حيران كدة ليه

متغير ليه

دا انا قلبي عليك

مالك ما تقولي ايه غير احالك

مالك يا حبيبي ايه بس اللي جراك

فاكر ليالي زمان  
فاكر ليالينا  
تبقى انت والايام  
قاسين كده علينا  
حيران كدة ليه  
متغير ليه  
دا انا قلبي عليك

\*\*\*\*\*



## الحب الحقيقي

الحب الحقيقي    يعيش يا حبيبي  
يعلّمنا نسامح    وينسينا امبارح  
يعلّمنا نفكر دائما    في إيماننا اليّ جايه  
لو نبعد ثواني    بيرجعنا تاني  
واجري عليك يا حبيبي واقولك

حقك عليه

هو ده.. هو ده.. هو ده الحب الحقيقي

الحب الحقيقي هو اللي يحلى مرارا الايام

لو غلبتنا دموع عيننا نندهله بيجلنا اوام

انا عايزك علي طول ويايا

في الفرح وفي الجرح معايا

ولا خطوة امشيها ولا بدايه

غير ايدك في ايديا

مش عايزك ولا يوم تظلمني

في الحلوه وفي المره قاسمني

من غير ما اتكلم تفهمني منظره عينيه

اوعدني لا نبكي ولا نتالم

ولا نعرف غيرة ولا فراق  
اوعدني انا وانت  
نعلم حكايتنا لكل العشاق  
انا عايزك تبقي انت زماي  
ومكانك في الدنيا مكاني  
كل ما اقولك عايز تاني  
من حبك تسقيني  
دانا مطرح ما الدنيا تاخدي  
وخطاوي الايام تتعبني  
مش ممكن هتفارق حضني  
ولا هتغيب عن عيني  
هو ده هو ده هو ده الحب الحقيقي

\*\*\*\*\*

## راجع تاني

\*\*\*\*\*

راجع تاني تقول يا زمان  
حبك ماضي وعدي وكان  
راجع تشكي راجعتبكي تقولي كفاية  
انسي الماضي وابدا تاني وانت معايا  
انسي يا روحي الحب والعمر اللي عدي  
زمنك وراح وسيبني عايش في الزمان ده  
لو الليالي ترجع يا غالى  
يرجع حنان قلبي اللي كان زي لنهار دة  
فكرك يعني لما تبعني

وترجع يوم  
هاقدر ايامحك واسكن قلبك  
وانسي اللوم  
يا للي هاجرني ومحيرني

ظلمك للاشواق غيرني  
مش هاستني ولا هاتمني  
وابات محروم  
انسي يا روعي الحب والعمر اللي عدي  
زمنك وراح وسيني عايش في الزمان ده  
لو الليالي ترجع يا غالي  
يرجع حنان قلبي اللي كان زى النهاردة

\*\*\*\*\*

كذاب

\*\*\*\*\*

كذاب مغرور قال مش بيحبنا  
بيلف ويدور ويلوع قلبنا  
غرقان في بحر هوانا يا با  
وعيونہ حلوة وكدابة  
قال ايه عامل ناسينا يا ايه  
ما انا عارف انه ما حبش حد قبلي  
خد قلبي وهات قلبك عندي  
من غير عند ولا تحدي



فيها ايه لو دوبنا في بعضينا

ونقول للفرحه استنينا

ونقول للحزن بعيد عدى

انا عارف ان انت بتعشقني

وانا بعشق قلبك صدقني

طب ليه هنخبي ونداري

علي طول بايديك قايد ناري

وكتير من المر مد واني

آه منك آه من قلبك آه من حبك وعذاك

\*\*\*\*\*

## تحرمني ليه

\*\*\*\*\*

تحرمني ليه منك    ماليش غني عنك  
ولا ليك حبيب غيري  
ظالمني ليه قلبك    حارمني من حبك  
ارجع لي يا طيري  
طاير لفوق في السما    مش راضي تنزلي  
ناسيني ناسي الهوا    والبعد يألمني  
حبيت وحبك دوا    تحرمني ليه منك  
صابر عليك يا طيري    واحترار معاك امري

خايف لتمثل لغيري    ويضيع معاك امري  
ما تقولي ايه آخر لبعاد    هيفيد بايه بس العناد  
دا مهما طال بنا اخر البعاد    برضه في هواك  
قدري

طاير لفوق في السما    مش راضي تنزلي  
ناسيني ناسي الهوا    تحرمني ليه منك

\*\*\*\*\*

اسمعني

\*\*\*\*\*

اسمعني قبل ما تبعد قبل ما تمشي

قبل ما قلبك هيودعني

انا ما اقدرش ما اتكلمشي

واسكت وانا شايفك بتبعني

عملت ايه استاهل عليه الغدر بيه

عملت ايه استاهل عليه الظلم فيه

يا كل السنين دي وانا بين ايديك دي

وبتكذب عليا عنيك

انا طول عمري بفكر فيك اكر ما بفكر فيه

املا حياتك حب وفرح واسيب الجرح ليه

انا كنت الحياة لعنيك وطوق النجاة بايديك  
عشت بحبك وانت وقلبك بتخدع عنيه

كنت بتري في دمي وقلبي وعقلي وروحي  
وعيني

كنت حياتي وعمري وكنت البسمه اللي بتحبيني  
عشقتك بكل جنون حلفت ان عمري ما اخون  
عشت بكل جنون وقلبك بتخدع عنية

عملت ايه استاهل عليه الغدر بيه

عملت ايه استاهل عليه الظلم بيه

يا كل السنين دي وانا بين ايديك دي

وبتكذب عليا عنيك

\*\*\*\*\*

## هاقولك

انا لو كنت هاقولك

كنت هاقولك مش مستاهله عذاب

انا لو كنت هاقولك

كنت هاقولك قلبي العاشق داب

انا مش غريب عليكي

ولا لسه هتعرفيني

بتخبي ليه عنيك

وتحبي تتعبينني

قوليلي قولي مالك

قريبلي يهدي بالك  
اضحكيلي تضحك الايام  
ويحلي الحب فيكى  
اناوانت عشنا بايامنا  
علي حبنا وعلي احلامنا  
اتنين ما بين النار والشوق  
علي بعد خطوه من الجنه  
قوليلي قولي مالك  
قريبلي يهدي بالك  
اضحكيلي تضحك الايام  
ويحلي الحب فيك  
مهما روحنا ومهما جينا

مهما قالوا كثير علينا

مش هناخذ غير نصيبنا

واللي مكتوب بس لينا

\*\*\*\*\*



## شاهدين عليه

شاهدين عليه      بيعمل ايه

فاكر حياتي      لعبه في ايديك

شاهدين عليه      بيعمل ايه

ظالم وقاسي      علي حبي ليه

بيفرحني ويعذبني

ياما ناديتك واترجيتك

حلفتك بعني

بيحبرني ويسهرني

ذنبي يا قلبي اني انا حبيتك

ومدوبني فيه

لو كان حبيبي او داري بي او معايا  
كان داب في عذاب الشوق وهوايا  
احلي سنين واماني

خدها ومر سقاني  
تهت وضعت ووحدني  
رجعت ولسه معايا عنيه  
الله علي القلب الي كان صافي وبرئ  
فجاة لاقيته بيسبني في وسط الطريق  
احلي سنين واماني خدها ومر سقاني  
ايه في الدنيا بحلها يساوي  
حبي وخوفي عليه

\*\*\*\*\*

## يالاهوا

يالاهوا يالاشوق

يالاعشق ويا لاحب

يالاهوا يالاشوق

كله يفرح كله يحب

ايامنا وعمرنا وحياتنا

دنيا الجميلة

ليه نبيعها وليه نضيعها

ما كفاينا حيره

قولوا للاحزان لالا

والفرح قولوا اه تعالى

لاعذاب ولا حيرة

ولا دمة عين ولا قلب حزين

هنسيبها ملين

ما نعيشها سوا

امبارح ودعنا وروح

مش جاي ومش راجع

وتعالى يا حبيبي نطوح

بايدنا المواجه

قولو للاحزان لا لا

والفرح قولو له تعالى

لا عذاب ولا حيره ولا

ولا دمة عين ولا قلب حزين

هنسيبها ملين

ما نعيشها سوا

## قلبي وروحي وعمري

آه كان قلبي وروحي وعمري

كان داري وبلادي

آه كان حبي وكان حبيبي

كان مش حب عادي

اوفي واطيب قلب

احلي واجمل حب

كان ضحكي وبكاي

وارضي وسمايا

وقلبي .. وروحي .. وعمري

لازم يا دنيا الف شوكة في كل وردة

لازم تبیعی و تجرحی و نسکت و نرضی

احلی لیالی عشها القلب معاه

احلی لیالی عشتها ویاہ

مش ممکن ہنساہ وازای ہنسی ہواہ

دا ہیفضل فی بالی و عقلی و خیالی

و قلبی... و روحی ... و عمری حالف یا دنیا و یا

زمن و حیاتہ ہو

لیعیش فی قلبی و روحی جوہ القلب جوہ

ہا فضل فا کر حبی و شوقی لیہ

دایماً فا کر ایامہ ولیالیہ

کل مکان رحناہ کل کلام قلناہ

اياما الجميلة لياينا الطويلة

في قلبي.. وروحي.. وعمري

\*\*\*\*\*

لا....لا

للوهم لا.. للحزن ل..ا اللهم لا.لا.لا  
للجاي تعالي ليه استحالة ده الفرح بيك اولي  
ده الفرح حالة والجرح حاله دى دنيا رحالة  
دوارة هي هي حلوه ورزیه وب ٦٠٠ حاله  
واياك تعاندها ده المولي رايدها  
وخليهاع الله  
صبرك ياقلبي صبرك يا عيني الصبر ع المكتوب  
لا نقول تعبنا ولا غلبنا دا كل شئ محسوب  
بكرة الليالي هتيجي تاني والفرح لينا يعود



بس إحنا نرضي قلوبنا نرضي ع العيشة والحالة

وإياك تعاندها ده المولي رايدها

وخليها ع الله

\*\*\*\*\*

## لاعتاب وندم

لا عتاب وندم ولا ويل وألم  
كان قلبي شاريك كانت روعي في ايديك  
هات عيني في عينيك مين الي ظلم  
ولاحب بقي ولا شوك ولقا  
مشوار مشيناه احلف بالله  
مين الي بناه ومين الي هدم  
جاي تترجاني والدموع في عينيك  
لسة فاكر تاني اني هارجع ليك  
جاي تقولي انا قلبي شاريك

جاي بعدما قلبي نسيك  
آه يا قلبك بعث حبك وجاي تبكي عليه

طب ليه.. عملت كده  
كنت فين وانا دايب كلي شوق وحنين

جاي تقولي حبايب لسة جايلك عين  
الحبايب ما بيقسوش  
حلوه مرة في يوم ما با عوش  
جاي تاني ملهوف عشاني محتاجلي تاني  
طب ليه... عملت كده

\*\*\*\*\*

## يا عينيك يا كلامك

يا عينك يا كلامك    آختر لك سحر من الاتنين  
يا عينك يا كلامك  
يا عينك يا كلامك    آه منه غرامك  
حيرني معاه دوبني وآه    من ناره ومن لياليه  
لا قدرت عليه    غلبتني عنيه  
وتعبنى كثير وياه  
حبيبي ليه حرام دأنا حبيبك  
قلبي مش ممكن يسيبك  
لتعيش اسير الاشواك والليالي

وتوه في حيرتك والالم يصيبك

خبيني في عينك قلبي يسلم ليك

وارجع واصدق عينيك ثاني

يا حبيبي عيش معايا مالنا بالايام

عيش لقلبي عيش لحبي جوه عيني ونام

خبيني في عينيك قلبي يسلم ليك

وارجع واصدق عينيك ثاني

\*\*\*\*\*

## سيبهم يقولوا

سيبهم يقولوا مهما يقولوا  
ايه خدنا منهم غير الكلام  
دانت اللي ليه وحبيب عينيه  
في الدنيا ديه واجمل غرام  
طول عمري انا مرساية قلبك  
ونت مرسك نن عيني  
واياك تخاف منهم  
وانا بقلبي جنبك  
طول غرامو طول سيني  
ياحبيبي حاسب لالكلام

يُبعد ما بينا

ليه تسيب بيتك هواك

خليك هنا جنبي هنا

ايامنا جاية

وارمي كل الكون وراك

سيبهم يقولوا مهما يقولو

ايه خدنا منهم غير الكلام

دانت اللي ليه وحبيب عنيه

في الدنيا ديه واجمل غرام

\*\*\*\*\*



يا رب

\*\*\*\*\*

انا منك وانا ليكي

حياتي وعمري فدا ليكي

ولا جز ولا يمكن

بجبك حب مش ممكن

حببتي شوفي

انا واحد بموت فيكي

كلمة بـحبك



م القريب .. م الغريب

ومن غيري سمعتها

كلمة بحبك

مني انا من قلبي انا بقولها بجد

يا بلدي مني حسيها

يا رب

كل اتنين ع الحب حبايب قربهم وما

تبعدهمش

كل جيران واصحاب وقرايب جمعهم ما

تفرقهمش

والي في قلبه عذاب او جرح طيبهوله

والي ما دقش الهنا والفرح دوقهوله

واللي تعب ان الليالي ليلة قصره  
واللي شايل هم غيره وساعده وقدره  
واللي غريب عن داره  
واللي اختار مشواره  
حلي يارب مراره  
وهون غربته نور سكته  
صبر دمعته دأنت حبيب الكل يارب

\*\*\*\*\*

## فاكرڪ يا ناسيني

فاكرڪ يا ناسيني

بعدڪ علي عيني

الحب مسهرني

والشوق بيكويني

ابعد بعيد عني

سهرني واشغلني

علي فين تروح مني

هتجيني هتجيني

صدقني منين ما تروح مكان

هتلاقي اشواقي في كل سكه تبان  
وروموشي محوطاك  
وعيويني عشقاك  
وغرامي وحنيني  
يا حبيبي يا نجم ساكن فوق  
ما خطرش علي بالي اغرق في بحر الشوق  
احلف لك بعنيك  
قلبي اهو ملك ايديك  
وحياتي وسنيني

\*\*\*\*\*

## هانساك

هانساك... هانساك ... هانساك  
كل غلطة غلطها قلبك يوم في حقي  
كلجرح وكل قلبي يوم في حقي  
كل جرح وكل دمه بكاها قلبي  
هردها لك مش هانسهالك  
خد حياتك ذكرياتك خد هواك  
واديني قلبي الي انظلم في سنين هواك  
مشوار حياتك مع حد ثاني  
مع قب غير قلبي انا مع حب ثاني  
وان وانت والايام

وآدي الحياة قدام  
هاشوف جرح مين هيعيش

وجرح مين هينام  
هانساك  
انا جرح قلبي ودمعته تمنها غالي  
ذنبه هتفضل تدفعه طول الليالي  
وانا وانت والايام وآدي الحياة قدام  
هاشوف جرح مين هيعيش

وجرح مين هينام  
هانساك

\*\*\*\*\*



منه يا ليالي سحره يا ليالي  
خدني يا ليالي آه من اللي جوالي  
الطيب في الزمن ده يا قلبي مالوش مكان  
انا وانت غلطنا لما عشقنا قلب ما لوش آمان  
ورانا الويل في ليالينا  
كان ايه مودينا للنار نعيش وياه  
ضيعت عمري في حبه يا ليالي  
يا عيون مليانه شوق وويل وليل وألف آه  
ويا قلبي خدني سبت الدنيا مشيت وراه

ورانا بعنينا الويل في ليالينا  
كان ايه مودينا للنار نعيش وياه  
ضيعت عمري غالي في حبه يا ليالي

\*\*\*\*\*



## موعداني

موعداي وطال الإنتظار  
وسيباني وفي القلب نار  
بحلم يعود النهار ويلقاكي موعداني  
موعداني وانا المشتاق  
في الغربه بناديك  
وضاع عمري في ليل وفراق  
في حلم عشقته في عينيكي  
ومن غيرك اعيش انا ليه  
ومن غيرك لوحدي باموت  
بحلم يعودالنهار ويلايقيكي موعداني

سنين ضاعت في لهفه وشوق  
بدوق في المر حرماي  
ما فيش غيري ما فيش  
مخلوق هيتحمل علشاني  
ومن غيرك اعيش ليه  
ومن غيرك لوحدي باموت  
بحلم يعود النهار ويلقاكي موعداني

\*\*\*\*\*



\*\*\*\*\*

النهار ده كنت جايلك  
جاي اعوض وقت فات  
كنت جاي يا حبيبتى اقولك  
صح احسنا اللي مات  
خدتني قلبي ومشيت بيه فوق سنين بعد  
وحنين  
شلت كام حلم في عيوني مشتاقين  
خدني شوقي عند بابك

جاي دايب من غيابك  
واللي شوفته شئ حزين  
شوفت ايديك حاضنه ايده  
شوفت جوه عنيك عيده  
شفت نس متجمعين  
ناي تغني ناس تهني  
واللي رد عليكي مني دمعتين

## القلب ملاك

\*

القلب ملاك وشفافه هلاك  
وانا وانت يا قلبي هنعمل ايه  
احب ايه ولا ايه ولا ايه  
العيون حلوة  
والرموش غنوة  
وبلون الليل  
والقلب ملاك شفافه هلاك  
وانا وانت يا قلبي هنعمل ايه  
والله يا قلبي وجالنا الشوق ونادلنا نعيش ليايه

والله اتغير حالنا وشغلت بالنال الحلوه عينيه

عين من يومها

صاحبة من نومها

وامال لو كنت لمست ايديه

احب يه ولا ايه ولا ايه

شفت في عينه شبائي وحب اصحابي وحضن

حبيبي

كل ما يضحك هو نارمن جوة بتحرق قلبي

يا ترى شكلك اية في عينية

يا ترى حاسس باللى أنا فية

عيني من نومها صاحبة من نومها

واما ل لو كنت لمست ايدي

احب اية ولاية ولا اية

\*\*\*\*\*

## اوقات

اوقات يا دنيا معاكي بعيش  
وساعات ما بفهمكيش  
وانت ولا فهماني  
اوقات بحس ان انا مجروح  
عائش حلاوه روح  
ودمعتي محوطاني  
صابر ع الي بيجرا لي  
وانت لا ليكي عزيز وغالي  
اوقات في عز العتمه بشوف



وساعات يموت م الخوف  
وغصب عني بداري  
بحلم يعدي عليه الليل  
من غير عذاب ولا ويل  
وتحسي مره بناري  
صابر ع اللي بيحرا لي  
وانت لا ليكي عزيز ولا غالي  
اوقات بتخدي اعز الناس  
واقول نصيب وخلص  
واصبر علي احزاني  
اوقاتحب قلوبيتبيع  
وكل لحظة بضيع

وبرضه مش حساني  
صابر ع الي بيجرالي  
وانت لاليكي عزيز ولا غالي

\*\*\*\*\*

## علمناك

\*

علمناك الحب وفلبك حب علينا

علمناك الحب ولعبت بناره وبيننا

وادي آخر الشوق وعذابه

وآدي الي عملنا حسابه

اول ما تعلم قلبك

اتعلم يجرح فينا

قلبي الي اختار عذابه

وقاسي كثير وداري كثير

واتحمل منك ياما

قلبي الي فتحلك بابه

داب واحترار ليل ونهار  
من الناس والدنيا ملامة  
يا ريتني ما طاوحت قلبي  
يا ريتني ما مشيت وراه  
يا ريتني ما بايدي بعته  
لظالم هيبيع هواه  
نسيت ان عمر الخاين ما هيصفي لهواه  
ضاعت من عمري ليالي  
ليل عذاب ليل عتاب  
وعيون تقولي نصيينا  
وكل ما يجي قلبي يقول حبيبنا  
يا ريتني ما طاوحت قلبي

يا ريتني ما مشيت وراه  
ياريتني ما بايدى بعته  
لظالم هيبيع هواه  
نسيت ان عمر الخاين ما هيصفي لهواه

\*\*\*\*\*

## لأ يا قلبي

\*

لأ يا قلبي سيبك

ولا حبيب ولا حبيبك

ما يستهلش دمعہ واحده من دموعنا

بيع يا قلبي بيعه زي ما باعنا

لأياقلبي مش بدايتي مش نهايتي مش نصيبي

لا يا قلبي مش حبيبي مش هيبيقي في يوم

حبيبي

احنا اتفقنا ع الفراق وخلص وافقنا

انا وانا وهو من المشوار رجعنا

لا يا قلبي بعد ناره بعد غدره بعد جرحه

لو حياقي في ايده برضه مش هسامحه  
مش كل مره ننجرح ونقول سامحنا  
حرام عليك نعيش حياتنا بالف معني  
ما يستهلش دمعته واحده من دموعنا  
بيع يا قلبي بيعه زي ما هو باعنا

\*\*\*\*\*

## ما تفكرش

\*

ما تفكرش كتير يا حبيبي

ما تفكرش وعيش ايامنا

وما تسالsh أزاى يا حبيبي

ما احنا ما فيش غير كدة قدامنا

نزعل نشتكي من اية

نسأل في العالم لية

ولاعند كحل تل في

قولى لو كنت في مكاف في

كنت هتعمل اية يا حبيبي



ما تفكرش كثير فى الدنياوا فتكرش ان المعريومين  
يوم بيعدى علينا فى ثانية ويوم بيعدى كا نة  
سنين

نزعل نشتكى من اية  
نسال فى العالم لية  
ولا عندك حل تا فى  
قولى لو كنت فى مكانى  
كنت هتعمل اية يا حبيبى  
عارف اجمل حاجة مابينا اننا فى فى الا حلام  
دايين  
واما يا خدنا الهوى يغلبنا ما بنقش يا حبيبى  
اتنين

ولا عندك حل تانى  
قولى لو كنت فى مكان نى  
كنت هتعمل اية يا حبيبى

\*\*\*\*\*

## الشوق

الشوق اهوبان عليك  
من صوتك من عينيك  
وانت برضة الليليا  
ياحبيب عمرى وعينية  
منوسط الدنيا دية  
انت اللطلعت بية  
قبلك كانحالى حال  
قلبي كنت انت فين  
ولا عمر قلبي مال  
ولا دبنا احنا الا تنين

غيريوم لما اتقابلنا  
سلمتا لقلب ليك  
مشوار عمرى اللكان  
والجانقليل عليك  
ياحبيبي من زمان  
من قبل ماأشوف عينيك  
مكتوب الشوق ما بينا  
والقلب يدوب معاك  
وانت برضة اللى ليا  
ياحبيب عمرى وعينية  
من وسطالديادية  
انت اللى طلعت بية

\*\*\*\*\*

## ولايهمك

ولايهمك لقيت ترياقى من سمك  
خلاص وارتحتمن همك  
رميتك زى مالقيتك فتات مكسور  
ووردة حب دبلانة فى ضل قصور  
ولا يهمك فراق بفراق  
صحيحان الدوام مشتاق  
عندينبوعتينى عشاناخرتها تلاقينى  
لاانا عاشق ولامشتاق  
ولا يهمك لقيت ترياقى من سمك

خلاص وارثت من همك

ولا يهمك خلاص مليت

ساييلك قصتي ومشيت

هتحيها هتنسيها ولو شب الحريق فيها

من الأول أنا ضليت

## ياطير

ياطير ياغريب يامسوح  
وياغريب سينني أروح  
ياطير يا غريب روح بلدك  
راح أقول على محبوبي  
محبوبي ده بلدي وحبوبي  
من بعدي عنه ييطوح  
ياطير ياغريب يامسوح  
وياغربتي سييني أروح

\*\*\*\*\*

شوي ..... شوي

غرفتان الشوشي وما في مي

أكون وهمان ماأكون خرفان

بيصير الأمر إني عشقان

ومحبوبي مخربطني شوي

شوي ..... شوي

ماقالك ليه إنه بيعشق

من وين المضروب استرزق

صرح ياقلب ما هذا عيب

صرح لا تخاف ولا تخجل

ما يجوز يرميك في مقتل

ويصيبني الكرب وما لي ذنب



هاقولي كفاية طي غرقان  
لشوشتي وما في مي  
انظر لي يا قلبي اطلع  
على هذا الزين المطلع  
وبيده الحب وما عندي علم  
إن كان جميل ومعتنذر  
ما عندي مانع يتكبر  
لكن بالسلم ماهذا الظلم

أرأيت الزين الله يسلم  
فتانة عيونه أسهم أسهم  
رشاقة رشق بتصيب العمق

ایش یصمد قدام اجوازه

ماغیر الله یزهق أنفاسه

مانرید له زهق والقلب له حق

شوي ..... شوي

\*\*\*\*\*

## ألبوم كبر الغرام

### عم حمزة

عبد الفتاح البيه

تسقط أرض الفئران

تسقط الفحة اسمها الفتحة

أ ب ت س ج ح على دورمي نفهم صحاً

هناكون آيه نبقى شباب ..وجميل لبلاده بيرد

جميل ويخلي أيام طراحه

هنقولها وبكل صراحة

لازم نتعلم بشوش

لا زم نتعلم بالراحة

ياعم حمزة حلمك علينا

إحنا التلامذه وبكرة لينا

لو العلام بالشكل ده ومغنا

هيضيع مش كدة

وهنبقى جيل متعذبين

ومكلمين ومحترين

بين ده وده ينجده مين للحقنا مين

لو حالنا كان بالشكل

ده نبقى شباب ورون وجميل

أ ب ت س

أنت

مصطفى كامل

أنت أنت أنت تتحداني

ابقي قابلني

أنت تنسى حياتي

ابقي قابلني

دأنا سيبك وأنا عارف

إنك هو واتاني وهات حني

وهاتحني دأنا كل ما

صك وأحوشك

بتصليت عنيك ورموشك

تيجي تشاغلني أنت أنت

كام مرة كنت وعدك

وقلت هابعد وهامشي

كام مرة خنت وعدك

ذي الزمن غدار

كام مرة جاتني

عينك ناديتني

قالت ياريتني

قالت سمعني

بعدك كويت بها النار

اعمل دول على إلا أنا

وأنت اللى فاهمني

دانا فهمك

أنت ..... أنت .... تتحراني

قدري ونصيبني عمري

وحبيبي ظالم عنيه قايد

يهيبي قولي أعمل أعمل إيه

وياك قلبك غالبني

حبك تاعبني رغم الأسية عايزك حبيبي

حيرت قلبي معاك

تعرف رتناني

ولا تقدر يوم تبعدني أنت أنت تحداني

ابقى قابليني أنت حناني ابقى قابلني

يا نا مي روحي بهاء الدين محمد

جرحتك حبيبي      جرحتك سامحني

حبيبي في قلبي جارحني

قول لعينك حبيبي دائماً

تفتكرني ياناسي روجي

ياناسي عيني آمنتك

حبيبي بالخير افتكرني

دا كفاية جرح الفجر والأيام

الى مش بيمر وكفاية

اثنته مش جامعي

قلبي بيبكي على كل يوم فراق

في بعدك حياتي مافيهاش



غير اشتياق  
سيبتك وأنا مش عايز أسيبك  
وأنا قلبي حزين ذنبك  
كيف استنّة حبيبك  
وضيع في السنين ليه  
تخذك أحزاني مهني كده كده  
واخدني ليه تندم ليه  
تتعب ليه له وحياتي لا تنساني  
ياناسي روحي ياناسي عيني  
أمنتك حبيبي بالخير افتكروني

وہب  
مصطفیٰ مرسی

وہب کل مافیہ بقلبی

وروحی وعینہ حبیبی

آہ بین ادیہ واحلم بأیدہ

تانی خلاص الدنیا ضحکتلی

وصدقنی لما وعدتنی

بأجمل حب وھبتنی خلاص

یا جرح انسانی تعال الھوی

حبیبی تعال ندوب سوی

تعال نعيش هنا ثانية بثانية

خدنا يا شوق طوحنا فوق واجبي

معايا وحضتي

خايف عليه ايدي في أديه

حالف لا سييه ولا يسييني

تعال الهوى      تعال ندوب شوي

وبحبي كل مافيه      بقلبي وروحي وعنيه

## ذي الليلة منصور الشاوي

ذي الليلة قابلتها      ذي الليلة عرفتها  
وتولدت جوابه مشاعر      لقتني بحبها  
كانت أول حب في عمري  
كانت أهلي وكل أصحابي  
كانت عمري كنت بحس إنها  
مين دمي أختي حبيبي  
مكنتش عارف إني هوانا  
يمكن يتجير جوانا

ويضيع قلبي الي هواك

وترضى يبعدها

ذي الليلة قابلتها

ذي الليلة عرفتها

أم الشهيد

عنتر هلال

ها يحصل إيه وإيه

يجري إيه والروح تهون

نكون أولا نكون ونبدأ

آيه عفيه وهم القضية

ياقدس داري حصاري عايز جنود

افرحي يأم الشهيد

دلوقتي في أحلى نشيد

لما يمنى لما بنى الله

وادي أقصاه المجيد

ما تبكيش يا جرح العروبة

يا طول ليلك يا قلبي العنيد

بعون الله الفرحة قريبة

ويوم عيدي جاي أكيد

افرحي يأم الشهيد

دلوقتي في نشيدك

الله لو نرضى  
مصطفى مرسى

الله لو نرضى ومحدث فينا

يخاصم حد يزعل حد

آه يفارق الله لونرضى

وإن كنت بينا نحن لبعض

نحس ببعض آه نخاف على بعض

ترتاح قلوبنا ويهون عذابنا

والخوف بينا نرضى

بنصبنا ونخاف على

بعض الله لونرضى



الله لو نرضى باللي

حالنا واللى جاي علينا

الله لو نرضى باللي غدى

واللى جاي علينا

الله لو نرضى من قلوبنا

الله يرضى علينا ترتاح قلوبنا

ويهون عذابنا والخوف يسبنا

نرضى بنصبنا الله لو نرضى

الله لو نرضى كلنا وبقلي

تغلب غرورنا بنفسنا

نبقى حبايب ونقول مايرضي  
ربنا في حق اللي غايب  
الله لو نرضى ومحدث فينا  
يخاصم حد يزعل حد يفارق  
الله لونرضى

معقول

مصطفى مرسي

معقول لا مش معقول إلا

القلب الي اتمنيته ياقلبي

معقول اتمناك وإلا انتة

حلمت في يوم بيه ياقلبي

معقول يبقى معاك الى يلاقي

حبيبوا مقرب منه

والي يلاقي حبيبوا بيسأل

عنه ملهوش حق يخاف

عيش الحلم حقيقة عيشه في

كل دقيقة وإياك تاني تخاف

أو تخاف أو أشوفك خواف خواف  
لالالا أوعه تخاف ياقلبي

عايز تعرف إيه تاني ياقلبي  
مهو قالك بفيه ولا أنت خفت  
تقوله ياقلبي قاللشهو عليه  
اللي يلاقي حبيبوا مقرب  
عيش الحلم حقيقه عيشه  
في كل دقيقة وإياك تاني  
تخاف أو أشوفك خواف  
لا لا لا وعه تخاف ياقلبي

مش حبيبة حد

منصور الشادي

مش حبيبتة حد فينا

إحنا اللي اتنين اتسينا

وحد تالت في الحكاية

أيوه كانت بتندينا

وتخدنا كتير وأدينا

كلنا في نفس النهاية

يعني ذي ماروحنا جينا

مش حبيبة حد فينا

عمري ماحسيت في مرة

إني يوم لعبة في أديها  
الحقيقة يا صبحي مرة  
كل يوم عشقي يناديها  
أوع تبكي في يوم عليها  
مش حبيبة حد فينا

## كبر الغرام منصور الشادي

كبر الغرام في القلب

ماشفتوش وربيع غنا عدى

عدى وما شفتوش

كان النهار صباحي

لاكن الزمان طاح بي

وفات أهو ييجبني لا كن

ملحقتوش كبر الغرام

كان أولى بيه النوم لاكني

صحيت مشغول بجرح

بيسري في روعي

جريت أضحك على الليالي

بكيت مكبرتش أعلى في

يوم على جروحي

سكت الكلام في القلب

ماقلتوش كبر الغرام

كبر الغرام

خطوبة فاشلة...

لماذا؟



الحب فن

هذا الكتاب

\* لماذا الحب ؟ وكيف تكون ماهيته ؟

\* كيف يشعر الإنسان بالحب ؟

\* حال العاشق وصفاته؟

\* كيف تعرف أنها تحبك؟

\* كيف تعرفين أنه يحبك؟

\* الجنس وتأثيره على الحب .

\* صديقتي العاشقة ...صديقي المحب..

\* كيف نختار الحبيب ..أو الحبيبة..

\* كيف نتغلب على متطلبات العصر ونتمم

الزواج؟

\* أخلاقيات الحب.. الحب في الجامعة..

● الحب والحفاظ على التبادل العاطفي

## فهرس المحتويات

٢	..... فينك
٤	..... لا اظن
٧	..... خسارة
١٠	..... القلب الطيب
١٣	..... انت وبس
١٥	..... صعبان
١٧	..... تاني
١٩	..... لو
٢٢	..... انا لو حبييك
٢٤	..... الله عليك
٢٦	..... الدم ده دمي

بحلم.....	٢٨
كامننا.....	٣١
حيران.....	٣٣
الحب الحقيقي.....	٣٥
راجع ثاني.....	٣٨
كذاب.....	٤٠
تحرمني ليه.....	٤٢
اسمعني.....	٤٤
هاقولك.....	٤٦
شاهدين عليه.....	٤٩
يالا هوا.....	٥١
قلبي وروحي وعمري.....	٥٣
لا.....لا.....لا.....	٥٦
لاعتاب وندم.....	٥٨

- ٦٠ ..... يا عينيك يا كلامك
- ٦٢ ..... سييهم يقولوا
- ٦٤ ..... يا رب
- ٦٧ ..... فاكرك يا ناسيني
- ٦٩ ..... هانساك
- ٧١ ..... يا ليالي
- ٧٣ ..... موعداني
- ٧٥ ..... دمعتين
- ٧٧ ..... القلب ملاك
- ٨٠ ..... اوقات
- ٨٣ ..... علمناك
- ٨٦ ..... لأ يا قلبي
- ٨٨ ..... ما تفكرش
- ٩١ ..... الشوق

٩٣ .....	ولا يهملك
٩٥ .....	يا طير
٩٩ .....	ألبوم كبر الغرام
٩٩ .....	عم حمزة
١٠١ .....	أنت مصطفى كامل
١٠٦ .....	وبحب مصطفى مرسي
١٠٨ .....	ذي الليلة منصور الشاوي
١١٠ .....	أم الشهيد عنتر هلال
١١٢ ...	الله لو نرضى مصطفى مرسي
١١٥ .....	معقول مصطفى مرسي
١١٧ .....	مش حبيبة حد منصور الشادي
١١٩ .....	كبر الغرام منصور الشادي
١٢٢ .....	فهرس المحتويات